

LOU GALETOU

FAI RIRE TOU LOU MOUNDE E N'ENGROGNO DEGU
" PER DEHARGNA LOUS LEMOUIZIS "

6^e ANNADA : LIMERO 1

MARS-ABRI 1946

GENT SOS LOU LIMERO

(tous leus douz mois)

Abonnement :

PER AN 20 fr.

Direct, Redact, Administraci :

LIMOGEI, 21, rue d'Aïsso, tel. 55-42

Chèque post. : Rivel 757-82 Limoges




Photo J. J.

Qu'ei dins no vieillo galetieiro qu'un tai lous meilleura gaktois !

Veiqui lo pôto dau galetou dau Carnovar

AUS AMIS DAU "GALETOU"
MAN DEROUILLA LO GALETIERO
PER ESSAI MUROUS
LO CHANSON DAUS BOUCHERS
LOU MEILLEURS SEN VAN
LIMOGES VERITA
LOU SCIEURE DE LONG
NO BOUWEDEOG

Le Redact.
Jean Robert.
Français.
X.
Lingo de Chablard.
X.
Ludien Dumazaud.

LOU LOUP ET LOU CHE
LOU COIN DAUS LECHADIERS
JAN LIMAU SE MARIDO
LO PITO SUR
CO PROUMET
SAIS FRIT !
LOU BENEDICAMUS

Jean Foucaud.
La mal Cati.
Marie-Mau.
Jean dae Ter.
X.
Lou Cacaretti.

**VÊTEMENTS
- TISSUS -**

5, Rue Jean-Jaurès

FOUCRÉ

LIMOGES

12, Rue Jules-Guesde

Dins quelo meijou v'autreis sirez eoumo chaz vous.

Aus amis dau Galetou

Nous ne saben pas si vous lou troubarez flaugnard et sabourous queu galetou dau Carnovar, mas o nous auro bailla prou de peno. Tout ei si râle au jour d'ahuei : ôli, farino, mais lou quite levan !

Coumo nous n'an mas trouba de lo pâto per siei meis, nous ne faran mas, jusquant'a nouvel ordre, un limero tous lous dous meis, per mour de fa durâ lou plasei touto l'annado. Mas chaque limero siro talomen farci de niortas et de zinzouenas que v'autreis troubarez aisadomen de que rire seissanta jours.

Per eissei segur de vei votre Galetou faut vous abounâ, et per s'abounâ co suffi d'envouya votro adresso bien completo et un mandat de 30 francs à Etienne River, Le Galetou, 21, rue François-Perrin, Limoges.

Ecrissez-nous, baillas-nous de l'edeiâs per que notre Galetou sia pus sabourous. Coupias-nous daus vieis proverbes, daus dires, daus dictouns-ditenas et surtout de las vieillas chansous de chaz nous. Mas pas quelas de l'abbé Richard, de Jose Mazabraud, de Jean Rebier, etc. que sount emprimadas et que Lagueny Jean n'en o de pleis palissoûs dins soun magasin dau boulevard Car-

not. Nous voudrian de las chansous belomen oblidadas et que beleu quaqueis vieis saben denquero. Per eissemple :

Et fisso, bouyer, fisso...

o be :

Mon bon paysan donne-moi ta fille...

o be :

*Quant se ve lou diomen mandi
Lous varneis plo eberbi...*

o be denquero :

*Tu m'as dit en parlant
Que j'étais bill' en paysan,
Y'a bien du changement...*

Chacun n'en so un bouci de couplet, mas nous las voudrian entieras per la mettre dins lou journau.

Dins quelas paubras vieillas chansous que notreis anciens aimovan, amourousas, moucandieiras, o be tristass, ne sentez-vous pas que n'io un pau de l'âmo de notre pays ? Las fan partiido de l'heretage lemouzi, que ne faut pas laissa abazi.

Merci d'avanco et fazez un boun Carnovar en legissan lou Galetou !

Lo REDACI.

Votre récolte sera belle

si à l'exemple des maraîchers et des horticulteurs, vous semez les graines de qualité sûre, les

Graines d'Elite Clause

Produites avec soin, elles germent et grâce à une sélection rigoureuse, elles vous procureront des légumes racés de grand rapport, des fleurs remarquables.

DÉPÔT :

RUAUD & DUCHÉ

2, RUE HAUTE-VIENNE, 2

LIMOGES

— — — — —

TÉLÉPHONE : 30-01 — — —



2

POUR ACHAT ET VENTE

de voitures, véhicules
et matériel industriel

adressez-vous au

V. M. I. L.

Pierre FAURE

35, Rue Péliniaud-Beaupeyrat

● LIMOGES

— Téléphone 51-49 —

LOU COIN DAU LECHADIERS

Lou lapin à la royale

Lo mai Catarino fait soun lapin entau : Lo devosso soun lapin, lo rampli soun ventre d'une bouno farço, lo roulo bien lou lapin et lou met dins lo cacofo avecue de las lechas de lard, lo lou fai bien roussi de tous lous biais.

Lo laisse coueire n'ouro, après vei ajouta 2 ô 3 carotas coupadas à gros boucis et 5 ô 6 pitils vignous.

Dins n'autro casserolo, lo fai reveni un hâchis de 3 ô 4 echalotes, d'un bouci de fege dau lapin, de lissos, de lard, de persil (tout bien hâché), la saupoudro queu hâchis de 2 ô 3 culieradas de farino, ô de mijo de po bien dur, lo mouillo lou tout de meita d'aigo et meita de vi blanc et lo rousso lou lapin en quelo sauço.

Lo laisse coueire au min, 6 ouras.

Avant de servi lo degraisso lo sauço, lo met un pau de sang et le passo dins lou couladou.

Qu'ei boun ! Qu'ei boun ! Hum !

Lou Mount-Blanc

(Dessert)

Lou Mount blanc ci fameux, co fai l'affa dans lechadiers.

Lo Catarino io trobo cisa fâ, me li counesse re, nou ma per io saboura... quante qu'ei preite.

Lo fai coueire no lioro de châtignas blanchidas dins dau lat sucre et parfuma.

Lo io passo ô praisso pureio sur un plat ; lo fai un cro o miei ente lo met de la crème Chantilly.

En li pensant n'en salive et, per moun armo, ne sabe püs si pourrai attendre lou carnavar per n'en gouta et fa passa moun envio.

LO MAI CATI.

Jan Limaû se marido

Jan Limaû que n'ei ni daus pus genteis, ni daus pus fils, erio en nième de se maridâ. Lou jour daus accords, avant que lo partengudo et sous parens sian ribas, so mal li faguet lo moralò :

« Auvo ! disset lo, si quacun te damando : qui o fa lo bravo cledo de lo prado ? Tu diras : qu'ei mé ! Las bargueis ? Qu'ei mé ! Lou viraû dau pou ? Qu'ei mé ! L'échalo dau jahiner ? Qu'ei mé ! Lou tinau de lo bujado ? Qu'ei mé ! Lou coulier de la cheno ? Qu'ei mé ! A tout ce qu'is damandaran soudro répoundré : qu'ei mé ! Auvei-tu ? Et ne soudro pas fâ l'einoucen ».

Lo mal avio fa un boun marendou. Is se jupiteren bê un pau quant is parleren de leurs affas, mas co chabet per s'accourda,

Is visiteren lou bê mais lous batimens. Jan répoundio coumo so mal li avio dit et lo partengudo ero trop contento de prenei n'home si fi, talomen fi que co n'en passet per delai, quant lou pat damandet a veire lou betiau.

Qu'ero ségur un brave chataû. Is vigueren lou barou, lou rouge, lo froumento, mais lo mezeli. Is vigueren aussi un brave piti vedeu, et lou pat disset : « Co deû eissei un taureu herd-boka que l'o fa ? ». Et lou paubre Jan Limaû, tout fier, repoundet coumo so mal li avio dit ! Lo novio se manquet troubâ mau ! Lou mounde dissen que lou mariage se faro beleû pas.

NIORLO-MAU.

Lo chansou daus bouchers

Vautreis fau vou preporâ
Per veire quelo feito
Qu'ei lo feito dau biô gras
Tous lous bouchers en teito
Ente n'oro deguisat
Lou marquî de Carabas.

Ah, coum'is van se câra
Aveque lo musico
Vous lierez l'ami Nasplat
En habit de visito
Lou « Capitaine » et Mange rien »
L' « Oreillou » mai « Sans-chagrin »

Vous lierez « Madelor »
Aveque so coucardo
Que menoro lou bios, lous porcs
Lou « Rei dueze » et so gardo
L' « Oreillou » et « Sampinet »
Auran l'air de quaucore.

Lou « Frerot » et « Jan L'Abbat »
Pourteran lo banieiro
Ente n'i oro de gravat
Lou noum de la coufreiro
De lo coufreiro daus bouchers
Tengudo per soun quartier.

Mas lou « Papo » pourtoro
Tout coumo no relico
Las cliaus de notre vilo
Co qui ei sei replico
Que baillo lou dret aus bouchers
De marchâ toujours prumiers.

Aprei coqui un foro
Per lo vilo no queito
Ente chacun bailloro
Per eigrandi lo feito
Un sô, douz sôs, qu'ei aco ?
Per lous paubreis, qu'ei beuco.

Nous croyons savoir que cette vieille chanson Limougaude figurera dans un ouvrage en préparation de notre distingué compatriote Roger Blanchard, secrétaire général d'ART et FOLKLORE de FRANCE.

Lous meilleurs s'en van !

Lou grand Marsau, qu'ei un pau enchiprod, aguet dispuo coumo soun vale Tôni, l'autre mandi en bessan, et ô il baillet sous huet jours. Tôni piquet so palo dins terro et disset : « Perque qu'ei entau, co n'ei pas dins huet jours qu'ei d'abord que m'en vaû ! ». Et o partiguet à lo meijou tâ soun paquet.

Quant Marsau ribet per lou regla, Tôni ero déjà preite à parti et avio soun haluchon sur l'épanlo. « Avez bien ce que vous disc Marsau, faguet-eu, lous méchants demouren, lous meilleurs s'en van ! »

Et qu'ero pio vrai. Marsau iô viguet be lou lendemo, quant ô vouguel se chaussâ per nà à la feiro d'Aisso cherchâ n'autre vale. Sous souliers niôs eran partiis et ô troubet à lour plaço las vieillas godassas de Tôni que n'an pus de semelo !

LINGO DE CHABIARD.

Lingo de verita

Nolro demoueiselo de lo posto o trouba un galant mais no paûcho. Lou galant, qu'ei notre jone estitutour qu'ei si aimable et si flignouleur, lo paûcho qu'ei lo pito Marissou que ne so si a ni b, et que n'io re de si beftio et de si meisounger.

Lo demoueiselo la reprimando suven a queu sujet, et l'autre jour lo li disset : « Auvo-bien, si te tourne trapâ en meisounjo te foute deforo ! » Et coumo lo coulero il avio deboureira soun déjunâ dins sous budeus lo n'aguet mas lou tem de courre ente vous sabez.

Lo li fuguet pas rentrado que soun galant venguet li fa no pito visito. O damandet ente l'ero et la paûcho, que ne voullo gro mentl, lou menet tout dret au found d'au coulidor devant lo porto dau W. C. et lobourret dous plis cops en credan : « As vous fa, demoueiselo ? Qu'ei Moussur Julien que vò vous veire ! »

Lous scieurs de long

Y'a pas de metier pus brave
 Tioun frou ! tioun la !
 Per moun armo ! faut dire.
 Per toun gaire ! loun la !
 Y'a pas de metier pus brave
 Que queu de scieur de long.

Quant is sont sur lour piece
 Tioun frou ! tioun la !
 Per moun armo ! faut dire.
 Per toun gaire ! loun la !
 Quant is sont sur lour piece
 N'en rotent une chanson.

A la saison finie
 Tioun frou ! tioun la !
 Per moun armo ! faut dire.
 Per toun gaire ! loun la !
 A la saison finie
 Nous en retournerons.

Chacun z'avec sa femme
 Tioun frou ! tioun la !
 Per moun armo ! faut dire.

Per toun gaire ! loun la !
 Chacun z'avec sa femme
 Les ceux qui en auront.

Y'a que le maître Pierre
 Tioun frou ! tioun la !
 Per moun armo ! faut dire
 Per toun gaire ! loun la !
 Y'a que le maître Pierre
 Qui n'est resté garçon.

Avec la Gabrielle
 Tioun frou ! tioun la !
 Per moun armo ! faut dire.
 Per toun gaire ! loun la !
 Avec la Gabrielle
 Nous le mariderons.

Tu n'auras pas ma fille
 Tioun frou ! tioun la !
 Per moun armo ! faut dire
 Per toun gaire ! loun la !
 Tu n'auras pas ma fille
 Tu n'es mas un couchon !

Parmi les nombreuses versions de cette pittoresque chanson de métier, nous avons choisi celle qui a été publiée dans la revue LEMOUZI (mai 1905).

NO BOUN'EDEIO

L'autre jour, Jantounet de Surdou rencontret soun ami Tienissou qu'avio l'air eimali coumo no ser.

« T'as l'air tout esfuni, Tienissou. Et co que lo Margaritou t'o fa couejâ sur la descento de liet ? »

— « M'en parla pas, moun paubre Jan. Voullo ment dau femier dins moun varger, et ne poude pas li renträ. Queu grand eissourla de cantounier n'o-i-eu pas versa un toumbareu de pestras dret devant lou cledou !

— Qu'ei be re, Tiene, iô vaû nû trouba qui faut et tu seis segur que demo mandi n'loro pus no petro devant toun cledou ! »

Lou sei, quand lous p'tis sertigueroen de l'écolo, Jean-tounet lous esperavo :

« Venez coumo me, p'tis, n'o quarante sôs a gagnâ per lou pus adret. Visas, lour disset-eu, en lour moutrant no peû de lapin qu'o avio pendilla apres un piquet, au mitan d'au varger de Tiene. Queû que davaloro quelo peû a cop de pestras, aura gagna quaranto sos. Hardi, p'tis, et n'ayez pas po de li fâ maû ! »

En demi-ouro, las pestras agueren chanja de biais et fugueren au miei dau varger ! Mas lou lendemo, lou paubre Tienissou manquet se trouba maû !

Lucien DUMAZAUD.

Lou loup et lou che

Un loup mâgre coumo un pi,
Que chassavo di n'eitoulio,
Mai que vio boun-opeti,
Li vay veire un grô matî.
Qu'èrio bien ce que li foulio
Per sâ dou-trei bou repâ.
Mâ lou loup s'i flavo pâ.
Sultan èrio plo bien grâ,
Mâ sultan èrio de tallo
O bien defendre soun lar.
Ardi, fler coumo un César,
O vio meimo eita soudar,
E vu mai d'uno hoitallo
Contre loups, contre renar,
En fe de quelo contâlo,
O ne vio ounto ni pô
De lou tropâ per lou cô.
Un loup o be dô courage,
Mâ ô ei pruden et sage,
Hôneite meimo quan fô.
Queuqui o nôtre che fogue doun pouilletto :
O vanto for so belo espesso,
Et surtout soun embounpouen,
Qu'ô vizavo toujour, mâ pertan d'osse louen.
« Si vod fogia coumo n'autrei,
Se li disse tan lou che,
Vou siria tou grâ coumo mé.
Lo fangalo n'ai pâ châ nou coumo châ v'autrei.
Que caucâ ve ne sâ pâ
Pèr senmano dou repâ.
Mai que minjâ souven de lo viando pûrido.
Un che de basso-cour n'o jomai lo pepido ;
O ci segur de sâ toujour
Sôu trei-quatre repâ pér jour.
Per me, tou lou mounde mé ballo
O de gibiei, ô de voulallo,
O de vedieu, ô de moutou ;
Trape toujour cauque croutou ;
Leche lou plâ, leche là chieitiâ ;
Et loâ jour bran coumo là seitâ,
Minje toujour, sei e moti,
(Bien souven sei vei d'opeti)
Moun-eicunlado de brejaudo,
Bien-ossinado, bien fricaudo,
Toliado de boun potoutau,
Mal cauvâ vé lou sobourau.
— Cau trobai sâ tu di l'oustau,
Per gagnâ no si bouno vito ?
Se disse tan lou loup.
— Cau trobai ?... presque re dô tou.
16 chasse (quann il sai) lou cha de lo couzino ;
O mandien fan meichantio mino ;

Garde lo meijou, lou varjei,
Lo vouleur an mai pô de me que d'un archel.
Quan-t un mè piaulo, sei olerto.
Lo porto o beu restâ deiberto,
Jomai ne laisse entrâ degu,
Sei qu'ô ne chio bien counogu.
— Co n'ei mât co ? se disso Minjo-ovelio, ?
Me foudrio pâ bien for tirâ l'orelio
Per me là prenei quel eita.
— Vou-tu veni ?... — Oren ! Veiqui qu'e fa.
I prenen bien tou dou lou chomi dô village,
E, per eigaya lou voyage,
Meitre Rôjo-croïtou
Dijio o Crêco-moutou :
“ L'omi, tu vâ quittâ no vito
Que n'èrio de segur ni de sen ni d'armito.
Lou min que pougeci t'oribâ,
Qu'èrio de te veire eirentâ
Tou-t en vito.
Tu deviâ vei o tou moumen
Tou sejei di l'oli bulien.
Pertou té boliovan lo chasso ;
Tu n'ovia pâ no quito plasso,
Un quille bô,
Un quille crô,
Per dire : sai segur d'eitre en vito tanto.
Lou chei l'orian gu tar ou tô.
Oro, co- ei differen, t'en balie mo proumesso.
Tu ne riscordâ mât de muri de vieilliesso. »
Lou loup, que deicho qui l'ovio bien-eicouta.
Vai veire, se viran, lou cô dô che pela. [chauzo.
“ Qu'a-tu qui ? — Noun pâ re. — De que re ? — Pâ gran
— N'en poudrio-fô sobei lo cauzo ?
— Bouei !... qu'e querèque moun coulei.
I'ero, vezei-tu bien, trop meichan den premiei ;
I me meteren a l'eitacho ;
Mâ, tou lou sei, lou vale me deitachio.
Iô vò ente me pla, lo ne, fô forço bru ;
E, penden tou lou jour, iô derme di moun gru.
— Tu dermei, moun omi ?... der, der grand be te faze !
Un loup metre dt soun marcha
D'essei tou lou jour eitocha !
Noun pâ, noun pâ, ne t'en deiplaze.
Ne sai pâ d'enguera prou fô
Per voulei me c'dâ d'un coulei en moun cô.
Gardo to soupo de brejaudo.
Quan lo sirio d'enguero pâ fricaudo,
Fuguel-lo de toupi-mounta,
Lo ne vau pâ mo liberta. »
Et moun loup de fugt per lou pra, pér là terâ !
Mai creze bien qu'ô cour d'enguera.

Jean FOUCAUD.

LIBRAIRIE - PAPETERIE
- Fournitures générales pour Ecoles -

M. DESVIGNE

6, Rue Jean-Jaurès, 6 - **LIMOGES**
(Angle Passage Mermoz) Téléphone 58-70

Un boun conseil : Si vous ne vesez pas bien clair per
legi lou « Galetou », faut vite na chaz

GAUTHIER-LAVIGNE

13, rue Saint-Martial — **LIMOGES** — Tél. 51-63
vous li trouberez de las lunetas que vous faran
pareirer pus bravas notras niorlas

N'an derouilla lo galetieiro

Lou jardinier, lo metadiero,
Lo démoueselo dau châteu,
Lo dacylo, mais lo bargeiro,
Lou Moussur, mais lo chambarieiro,
Las laveiris en leur peiteu,
Lou medeci, lou pouticâri,
Lou couletour, mais lou noutrâri,
Lou peitre mais l'estitutour,
Et tous lou Jan d'Aisci dau bourg,
Mais quel pito moucandieiro
Que per Nodaû s'o marida
Et, las mas sur so davantieiro,
Nous dit : « Co n'en siro marca
Si n'ai pas ce qu'ai damanda ! »
Tous nous fan lo meimo préjeiro,
Et deipei loungtem crêden tous :
« Tournas-nous fâ daus galetois ! »

Nous n'an pas metier de lour dire
Que nous pensen tout coumo is ;
Re n'ei santous coumo lou rire,
Qu'ei lou meilleur daus medecis.
Mas qu'ei no chauso malaisado
Que de fâ rire au jour d'ahuei

Lo bouna gen d'uno countrâdo
Qu'o counegut tant de deireis.
N'an derouilla lo galetieiro
Que chômâvo deipei set ans,
Mas sabei si lo meinageiro
Auro toujours lo mo legeiro
Et denizado coum'antan ?
N'an dau blad-negre de prumieiro,
Lo pâto ne lèvo pas maû
Per mour que nous l'an deiboueirado
Dins lou toupi de Lingamiaû.
Nous l'an pebrâdo mais salâdo,
Et lo galetieiro ei brejâdo
En de boun ôli de calaû.

Lou fio de sarment flambo et péto,
En soun léchou lo Cati fréto,
Et passo vite lo paléto
Sous lo pâto que se frunci,
Per lo virâ, lo fâ roussi,
Et, si re li porto bizeto,
V'autreis vâ goutâ sei retard
Lous Galetous dau Carnovar !

Jean REBIER.

PER EISSEI HUROUS

Dins lo vito de quete mounde
Voucis-tu essei toujours counten ?
Que sur to tablo tout abounde :
Minjo toun aise et beau suven.

Ne cresâ pas que per bien beure
Fô roudela sur lou carreau,
Co ne po ma balia lo feure
Et t'enflamma tous lous budeus.

Nou moun ami te voudrio veire
Beure dau vi, sei te preissâ,
De boun vi pur, dins un grand veire
L'aigo qu'ei boun per se lava.

Ecouto lou bru de lo fiolo
Que laisso toumbâ lo liquour...
N'en vai serti lo pito biolo !
Que lumo lou fio de l'amour.

L'amour, lou vi, qu'ei lo jônesso !
Mâ co ne duro pas toujours.
Proufio-n'en. Dins to vieillessô
Gardo lou vi, laisso l'amour.

FRANCÈS.

Tu sois fier coumo un petorabo Jantissou !
Tu prenais tous habits de noço per nà à lo feito ?
Tu te troumpas moun paubre Lionard... qu'ei daus
habits da tous lous jours

Chaz DONY

en d'un viro mo un fal un moussur d'un touerau cou-
mo me.

A. DONY

VETEMENTS POUR HOMMES, DAMES, ENFANTS

2, 4, 6, rue du Halles — **LIMOGES**

Maison la plus ancienne qui ne doit son succès qu'à
sa fidèle clientèle. — Téléphone 42-84

Is disen que faut beure lo biero
en elti quand fai chaud. Bouei
co fai per lo biero coumo per
l'amour qu'el toujours lo susou !

Bertrand-Mapataud

Les bières BEATRAND-MAPATAUD
Route de Naxon, LIMOGES - Tél. 34-18

Qu'el un plasei de mounta à
chavaú sur lous

Cycles PASCAUD

1, rue Charles-Michels, 1
LIMOGES - (ex-rue Manigne)

Tél. 59-08

is sount soldela, élégants et
nervous et lours cavaliers fan
toujours boun voyage.

Vous trouverez aux
100.000 Chansons
45, rue Jean-Jaurès — Tél. 51-27
LIMOGES

toutes les chansons, tous les
disques et phonos les plus
beaux et les meilleures postes
de T. S. F. à des prix très bas.

LO PITO SOR

“ Te, mo pito, imper qué tu sei bien sajo, io té charaï no pito sor, per Nadau ! ”

— Oh ! mal, io sirio trop contentio ! Io lo nñorio, lo perménorio, il forio téâ soun biberon. Co sirio trop amusant. Ma dijo, mal, chato lo mé d'abord, si tu voueis.

— Ma paubro pito, né pode pas, io n'ai pá d'inguéra prou dé sos. Patiento in pau, et din dou meis tu l'aura et tu verrà coumo le siro bravo. Et dijo, inoun piteu, coumo voudrà-tu qué nous lo pellestan ?

— Oh ! mal, io voudrio lo pella « Autorail ».

— Autorail, ma pito, sei tu pá in pau bétio ? Li o hé beuco d'autrei noums coume Josephino, Pétronillo, obé Virginie, qué soun bien pu braveis. Io né volé pá que nous lo pellan « Autorail ». Dégú per insal, né sé pello intau. Nous nous farian, ségur mouça dé nous.

Et veiqui lo paubra pito qué sé met de purá, dé purá et dé purá. Auria jura qu'un voullo lo tuá.

— Ma, pito tu sei bé trop bétio dé purá. Tu ne seis pas malaudo ? Né purá pas val, mo mimi, io té vau balia dau chocolat,

— Bétio mé dau chocolat si tu vouei, ma per qué né pureiso pá, dijo mé qué tu pellarà mo sor Autorail.

— Ma enfin tu li ténci bé trop a queu noum. Et voudras-tu me dire perque tu li teneis tant ?

— Ma, auvo mal, mé pellé bé Micheline, mé, eh bé, mo sor sé deurió bien pella « Autorail ».

Jean dô Bo.

Co proumet !!!

L'instituteur vénio dé fa no lesson aux pitis dé lo classe sur l'Alcoolismé. Et ô lour ovio bien esplica, ségur, toutes las beftiarias qué l'alcool fai fa. Naturéhamin, ô lour dissé qué né foulio pas beure d'apéritifeis. “ Tenez, vautreis né pas à vous troumpa. Qui talamen aisa counneitré. Sei ségur qué si mettio dé lo goutto din no sélio, dé l'aigo dins un autre et que presentesso las douas seillas à l'ane dau pal Tiene, o beurio sei sé troumpa din lo seihado d'aigo.

— Et per dé qué ? Per dé qué moun pili Jantissou ?

— Per so qué qu'ei ma n'ané, Moussur ! ”

Jean dô Bo.

Cycles - Motos - Voitures
d'enfants - Jouets sportifs
Réparations - Fournitures

P. MAZABRAUD

Fondé en 1910

Place d'Aine — Limoges
Agences Hurtu, Ruche, Rochet,
Génial Lucifer

Imp. RIVET et C^e, Limoges.

SI VOUS VOULEZ RIRE...

Souscrivez à

HYMEN & C^e

Roman, par Henri LELONG

Retenez dès maintenant votre exemplaire

(150 fr.)

à l'imprimerie Rivet et C^e

21, rue d'Aixe — Limoges

RADIO-ELECTRICITE

R. AUZOLE

31, rue des Combés, Limoges

Tél. 55-32

Dépannage de postes toutes marques

Vente, échange, transformation

Distributeur officiel

RADIOLA - POINT BLEU

Le Gérant : François BEYRAND.